

愚齋存稿初刊

二八

愚齋存稿初刊

卷之

愚齋存稿卷第四十三目錄

電報二十

鄂督張香帥來電

又

又

袁慰帥來電

又

劉峴帥來電

又

寄北京慶親王李中堂

寄保定榮中堂

劉峴帥來電

張香帥來電

袁慰帥來電

劉峴帥來電

袁慰帥來電

寄北京慶親王李中堂

寄侯馬 行在王中堂

寄西安端中丞馮方伯濟南袁中丞

袁慰帥來電

又

寄北京慶親王李中堂

張香帥來電

袁慰帥來電

劉峴帥來電

袁慰帥來電

張香帥來電

寄 行在王中堂

保定榮中堂來電

天津慶親王來電

又

潼關端午帥來電

又

張香帥來電

寄甯鄂督帥山東撫帥

寄李中堂

李中堂來電

寄慶親王李中堂

寄西安馮方伯轉
行在軍機處

李中堂來電

劉峴帥來電

袁慰帥來電

劉峴帥來電

寄江督劉峴帥鄂督張香帥東撫袁慰帥

潼關王中堂來電

寄北京慶王李中堂江督劉帥鄂督張帥東撫袁帥

劉峴帥來電

袁慰帥來電

又

寄北京慶親王李中堂

愚齋存彙
卷四十三
三
張香帥來電

倫敦羅星使來電

北京李中堂來電

劉峴帥來電

寄江鄂東督撫帥

寄北京李中堂

張香帥來電

愚齋存彙卷第四十三

電報二十

鄂督張香帥來電

光緒二十六年閏八月十三日
兼致劉峴帥袁慰帥王灼帥

濟奏江片均佩忠悃竊謂陝文電初八 啟鑾初

十到平遙收回幸陝成命一說此時不必再進管

見不請 回鑾但請 明諭終必 回鑾不阻

幸陝而阻遷都於陝且力言遷陝不和仍不能存
且速其亡宗旨與兩公略同而措詞稍異少刻擬
合兩公奏片參以鄙見併爲一稿電請兩公酌定
如以爲可鄙人當附名且六使公電十四日必達

御覽須看此奏到後如何處置或俯從或激怒
再行相機進言則語較緊切此時但請杏翁電傳
相先告各使 幸陝確係暫局非常局想傅相早
已言之矣總之彼族之動靜喜怒專在懲辦之輕
重不在巡幸之遠近也駐陝之久暫專看怙非者
之能否自保各國要挾有無萬不能允萬不敢言
之條不在言京畿之關繫也欲免要挾萬不能允
之事卽專看懲辦之輕重庶可爲悔過之實據而
後可與各國力爭婉商也可否稍待一兩日再發
統請裁奪速復

又閏八月十三日兼致峴帥慰帥

德教習自滬回鄂據云已見德統帥素知其入極
老成穩重決非用武生事者叩以前有圖海州之
說近有駐德州之說堅云謠言斷勿信並述德統
帥語云膠州以外斷不佔一地等語當卽囑其轉
電德統帥勿擾海德彼族所言不占地未敢深信
或不致突然各處蔓延耳

又閏八月十三日兼致劉峴帥袁慰帥善將軍

傅相電云某某如果出峴帥電云某某似已撤未
免奢望千里草添營十八子送部餘事可以例推

看六君子湯何如耳新陝撫岑電只有和局大難
四字各國日增毒計途中已盼佳音事事看得太
易如何是好今房山已失西山出煤之總口斷矣
北塘續失天津出海之旁門塞矣山海關已危由
京赴遼之要路斷矣此時已非完璧再遲則逼成
瓜分各國明出題目而我不答寬留期限而我不
知總由一人怙非以致於此鄙人愁急萬狀更甚
於京城初陷時也

袁慰帥來電

閏八月十三日兼致峴帥香帥

滬文各電悉俄德使煩言似宜由傅相慶邸據實

電奏必有濟諸帥似難設法西幸則和議恐緩諸
謬恃險更不知有何變局轉瞬北洋各口凍封其
分兵進兵自在意中惟有協力補救以俟命耳杏
公銜已電陝附名

又閏八月十三日兼致峴帥香帥

鄂覃午電悉香帥合擬必更周密峴帥想有同見
已電陝緩繕惟拳黨誤國天下患恨去之天下悅
服各語似須痛切言之又慈聖仁孝法祖如

以陵寢爲說必動心請酌

劉峴帥來電

閏八月十三日兼致善將軍張袁兩帥

鄂元丑電悉大局存亡祇爭此一線而近日舉動
去題尙遠連日焦急正復相同目下惟有全權向
各使明言和有端倪必爲嚴辦開議後詳切具陳
辦則存不辦則亡度無不允理非到至極處不能
決定若專以不辦不開議得過且過毒根不能拔
去終歸潰爛不可補救耳諸公有何良策盍以此
意達傅相祈杏翁裁酌

又 閏八月十三日兼致香帥慰師

東滬各文電悉聯軍旣無圖南意此電可暫存杏
翁處東果有警再行鈔電送各領

寄北京慶親王榮中堂

閏八月十三日

頃接榮相真電開初二 旨實有轉機惟初十接滋軒
函告 西巡准初八 啟鑾奈何弟能否進京須候傳
相准信緣因有甘軍攻使館之嫌倘各國不肯接待則
莫如由傅相奏明並謂刻已接督印無須某駐守保定
請飭赴 行在或可邀允至攻使館一事弟苦心斡旋
其閒惜外人不知此心惟天可表耳時事艱難愚以爲
外人有要挾利害之詞卽應直陳切勿隱諱 兩宮
聖明白能洞鑒希轉達傅相何如等語

寄保定榮中堂

閏八月十三日

昨傅相電復初九已電奏各使以圍館有甘軍武衛中
軍係榮某所部不肯接待保護恐有險可否特 召回
行在當差云言簡意賅似可邀允宣晤英新使力辯中
堂苦心保護否則洋兵數百豈能久支英使云若非天
佑必盡斃恐各使仍堅執見德皇覆書仍請嚴辦禍首
六駐使會劾端剛等甚激切于通奏阻幸陝慰廷約各
帥請 旨宣明事定後卽回京如邀准可安中外人心
封凍在卽水陸重兵不退將來如何算帳鈞見要挾利
害之詞應直陳勿諱已照電傅相聞洋兵仍欲犯保定
傅相曾電屬方伯搬移庫款似酌移爲妥

劉峴帥來電

閏八月十三日兼致香帥慰帥

滬輔傅相電讀悉交議仍入直難免外人藉口各
使電奏極切實若得全權據各國言上陳或可動
聽疆吏未敢再言各有分際也所杏翁密電傅相
籌度辦理

張香帥來電

閏八月十四日兼致劉峴帥袁慰帥
奎樂帥許筠帥王灼帥綽將軍善將

軍

慰帥奏稿正大懇惻佩甚僭改數語遼東因亦不
守擬改遼東亦多失守六字仁至義盡早為中外
所同欽二句擬刪親貴下句改為仰見我皇